

Cofnodion Cyfarfod Cyngor Cymuned Llanddeiniolen 3ydd Fai 2022

Croeso ac Ymddiheuriad - Rhoddwyd Croeso gan Gadeirydd a gair o weddi gan y Cynghorydd Richard Ll Jones

Presennol - Y Cadeirydd Emma Chappell ynghyd a'r Cynghorwyr, Elfed Wyn Williams, Rhian Evans-Hill, Richard Ll. Jones, Phyllis Ellis, Ynyr Parri, Idris Thomas, Sasha Williams a Gareth Griffiths.

Croesawyd Y Cynghorydd Elwyn Jones

Ymddiheuriadau - Lowri Hughes, Dawn Parry, Hefin Williams

Derbyniwyd llythyr o ymddiheuriad gan Hefin Williams. Fel y gwyddom, ar ôl cyfnod o bron i 40 mlynedd yn gwasanaethu fel Cynghorydd cymunedol, ni fu i Hefin roi ei enw ymlaen i barhau fel cynghorydd. Diolchodd am y fraint ac anrhydedd oedd wedi ei gael yn cynrychioli Rhiwlas ar y cyngor. Byddwn fel cyngor yn gweld colled o wybodaeth, cydweithrediad a chyfeillgarwch Hefin. Roedd yn gynghorydd oedd rhywun yn wastad yn gallu dibynnu arno, ac yn drylwyr ei waith. Diolch Hefin, a phob dymuniad da ar dy ymddeoliad.

Derbyniwyd llythyr hefyd gan Lowri Hughes, Cynghorydd cymunedol yn cynrychioli ardal Dinorwig. Trist hefyd yw nodi nad yw Lowri wedi rhoi ei henw ymlaen i gynrychioli ardal Dinorwig. Roedd gwasanaeth Lowri fel cynghorydd hefyd yn amhrisiadwy mewn ardal ar wasgar, ond prysur. Bydd colled i ni ac i ardal Dinorwig o'i gwybodaeth, cydweithrediad a'i chyfeillgarwch. Diolch a phob dymuniad da iddi hi a'r teulu ifanc, ac efallai bydd cyfle iddi ail ymuno pan fydd amgylchiadau yn caniatáu yn y dyfodol.

Nododd Y Cynghorydd Elwyn Jones ei fod yn ddiolchgar o'i waith wedi cyfnod o 40 mlynedd.

Datgan Buddiant - Dim

Cofnodion 5ed Ebrill

Cafwyd y Cofnodion yn gywir:

Idris Thomas (1)

Gareth Griffiths (2)

Materion o'r Cofnodion

Cysgodfa'n Bws Brynrefail - Y gysgodfa'n wedi ei archebu, ac yn gobeithio ei gosod yn ystod yr wythnosau nesaf.

Cadeirydd.....

Tir Ger Ysgol Deiniolen - Nid ydym wedi cael ymateb gan Y cyngor Sir ar bwy yw perchen y tir erbyn hyn.

Gohebiaeth a Materion Eraill

Dim

Cynllunio

Derbyniwyd y ceisiadau canlynol:

C22/0358/18/DT - 7 Carreg y Garth, Rhiwlas

Cais estyniad gromen to fflat ar gefn yr eiddo ynghyd a balconi cefn - Dim Gwrthwynebiad

C22/0386/18/DT - Groeslon Uchaf Lôn Garet, Dinorwig

Newid defnydd ystafell lawr grisiau i ystafell wely gydag estyniad porth i'r blaen i gysylltu, ynghyd ac estyniad ochr ar gyfer grisiau ac ystafell ymolchi a thoiled lawr grisiau. -Dim gwrthwynebiad

C22/0334/18/DT - Gwêl yr Wyddfa, Bethel

Estyniad unllaw'r gyda balconi llawr cyntaf - Dim Gwrthwynebiad

C22/0304/18/DT - 14 Cremlyn, Bethel

Estyniad llawr daear i flaen yr annedd - Dim gwrthwynebiad

C22/0274/18/LL - Bronnant, Ffordd Bethel

Estyniad i uned ddiwydiant ysgafn presennol - Dim Gwrthwynebiad

C22/0359/18/DT- Elidir, 1 tan y Ffordd, Penisa'r-waun

Estyniad cegin to brig unllaw'r i annedd bresennol - Dim Gwrthwynebiad

Cadeirydd.....

Llwybrau

Derbyniwyd llythyr gan Gwyn Lloyd o adran Llwybrau gyda rhestr o lwybrau i ni benderfynu pa rai mae'r Cyngor am ganolbwyntio i wella eleni.

Penderfynwyd ar ganolbwyntio ar y llwybrau canlynol:

Llwybrau rhif: 74

113

139

59 (angen tynnu sylw'r adran at y llechi sydd yn rhydd)

10 - (Y giât - Gwaith cerrig)

35

34

37

91

Bydd y Clerc yn cysylltu gyda'r adran Llwybrau I gadarnhau hyn er mwyn iddynt gael symud ymlaen i wella'r llwybrau yma eleni.

Hyfforddiant

Rydym dal angen creu rhestr o hyfforddiant cyn mis Tachwedd am y flwyddyn. Nodwyd efallai bod rhai cynghorwyr newydd gyda diddordeb mynd ar fodiwlau unigol, a nodwyd yn sicr y buasai yn dda cael rhywun o'r adran gynllunio i ddod i drafod materion a hyfforddiant ar beth ddylwn fod yn ystyried mewn ceisiadau cynllunio. Rhannodd y clerc modiwlau hyfforddiant Unllais gyda phawb. Mae angen i bawb edrych ac ystyried y math o hyfforddiant sydd ei angen neu yn dymuno, byddwn yn trafod yn ystod y misoedd nesaf i greu cynllun.

Awdit

Nododd y clerc, fod y cyfrifon bellach wedi cael eu cyflwyno i'r adran awdit yng Nghyngor Gwynedd.

Cadeirydd.....

O Gwmpas y Bwrdd

Lôn Garet, Dinorwig

Mae Motorhomes yn parcio dros nos yn ben Lôn Garet, yn y man lle troi er mwyn dod yn ôl i lawr. Os byddai ambiwlans neu frigâd dân angen gwneud hyn ar frys, byddai yn amhosib. Mae yn rhaid cael arwyddion gwell o lawer yn yr ardal yma. Mae hyn yn digwydd mwy aml mewn llefydd er mwyn osgoi talu am barcio mewn parciau dros nos. Y clerc i yrru llythyr I Gyngor Gwynedd yn gofyn am arwyddion yn atal hyn.

Wal Pen bont tuag at Rhydfadog

Cerrig yn rhydd a'r wâl yn ansefydlog. Llythyr I'r Cyngor Sir.

Tir ger Ysgol Gwaun Gynfi

Mae'r Cynghorydd Elfed Williams yn cyfarfod y Pennaeth Addysg I drafod os oes posib cael tir ychwanegol i barcio ger yr ysgol.

Cadarnhau Taliadau:

584 - £720.00

585 - £59.50

Cadeirydd.....